



Sen prexuízo disto e consonte o establecido no artigo 113.3 da Lei 7/1985, a interposición do recurso non suspenderá por si soa a efectividade do acto ou acordo impugnado.

Agolada, 26 de setembro de 2014. — O Alcalde, Ramiro Varela Peón.

2014008150

* * *

A R B O

A N U N C I O

En resolución da alcaldía nº 300/14, de data 18 de setembro de dous mil catorce, resolveuse o seguinte:

- Delegar dende o exercizo das funcións da alcaldía, dende o día 19 ao 26 de setembro de 2014, na 1ª Tenente de Alcalde dona Salomé Troncoso Vietez, conferíndolle todas as atribucións inherentes ao cargo en cuestión.

Arbo, a 19 de setembro de 2014. — 1ª Tenente de alcalde, en funcións de alcaldesa (decreto delegación 18.09.14), Salomé Troncoso Vieitez.

2014008104

* * *

BARRO

A N U N C I O

No negociado de Estadística deste Concello tramítase expediente de baixa por inclusión indebida ás persoas abaixo relacionadas por incumprir o artigo 54 do Regulamento de Poboación e Demarcación Territorial das Entidades Locais (R.D. 2612/1996).

Dado que non se ten coñecemento do seu novo enderezo, de conformidade co disposto no artigo 59.4 da Lei 30/1992 de 26 de novembro, do Réxime Xurídico das Administracións Públicas e do Procedemento Administrativo Común, expónse ó público durante o prazo de 10 días hábiles a partir do día seguinte á publicación do presente anuncio no B.O.P. e no taboleiro de anuncios deste Concello, ó obxecto de que os afectados poidan presentar ante a Alcaldía as alegacións que considere pertinentes.

Transcorrido o prazo indicado entenderase que renuncia a figurar empadronado neste Concello de Barro e continuarase cos trámites relativos á baixa de oficio.

Relación que se cita:

1.— TAMARA PAZ GALMÁN.

Barro, a 26 de setembro de 2014. — O Alcalde, José A. Landín Eirín.

2014008127

* * *

B U E U

ANUNCIO APROBACIÓN DEFINITIVA

Ref. R57-14

Ordenanza Fiscal num. 17 Reguladora da taxa por utilización privativa ou aproveitamentos especiais constituídos no solo, subsolo ou voo, das vías públicas municipais polas empresas explotadoras de servizos de subministración que lle afecten á xeneralidade ou a unha parte importante da veciñanza.

O Pleno da Corporación Municipal do Concello de Bueu, na sesión ordinaria celebrada o 2 de Xuño de 2014, adoptou acordo de aprobación provisional da Ordenanza Fiscal num. 17 reguladora da taxa



ppor utilización privativa ou aproveitamentos especiais constituídos no solo, subsolo ou voo, das vías públicas municipais polas empresas explotadoras de servizos de subministración que lle afecten á xeneralidade ou a unha parte importante da veciñanza.

O Anuncio de aprobación provisional foi publicado mediante inserción deste, no Boletín Oficial da Provincia de Pontevedra o 30 de xuño de 2014, e asemade mediante inserción de anuncio no Diario de Pontevedra.

Rematado o período de exposición pública o 6 de Agosto de 2014, e por canto non se presentaron alegacións relacionadas con esta publicación, segundo consta no informe do funcionario responsable do rexistro municipal 8 de Agosto de 2014

De conformidade co disposto no artigo 17.3 do Texto Refundido da Lei Reguladora das Facendas Locais, enténdese definitivamente adoptado o acordo, ata entón provisional, sen necesidade de novo acordo plenario.

Polo que procede a publicación íntegra do texto da modificación da Ordenanza Fiscal num. 17. reguladora da taxa ppor utilización privativa ou aproveitamentos especiais constituídos no solo, subsolo ou voo, das vías públicas municipais polas empresas explotadoras de servizos de subministración que lle afecten á xeneralidade ou a unha parte importante da veciñanza. que queda como sigue:

ORDENANZA FISCAL Nº 17 REGULADORA DA TAXA POR UTILIZACIÓN PRIVATIVA OU APROVEITAMENTOS ESPECIAIS CONSTITUÍDOS NO SOLO, SUBSOLO OU VOO DAS VÍAS PÚBLICAS MUNICIPAIS POLAS EMPRESAS EXPLOTADORAS DE SERVIZOS DE SUBMINISTRACIÓN QUE LLE AFECTEN Á XENERALIDADE OU A UNHA PARTE IMPORTANTE DA VECIÑANZA.

ARTIGO 1. FUNDAMENTO E OBXECTO.

En uso das facultades concedidas polos artigos 133.2 e 142 da Constitución e polo artigo 106 da Lei 7/85, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais, o Concello de Bueu regula mediante esta ordenanza a Taxa por utilización privativa ou aproveitamentos especiais constituídos no solo, subsolo ou voo das vías públicas municipais polas empresas explotadoras de servizos de subministracións que lle afecten á xeneralidade ou a unha parte importante da veciñanza, a que se refire o artigo 20. 3, en relación co 24.1, parágrafo terceiro, do propio real decreto legislativo, que se rexerá pola presente ordenanza fiscal, e cuxas normas atenden ao previsto no artigo 57 do citado real decreto legislativo.

ARTIGO 2. FEITO IMPOÑIBLE.

1. Constitúe o feito imponible desta taxa a utilización privativa ou o aproveitamento especial do solo, subsolo ou voo das vías públicas municipais, a favor de empresas explotadoras, distribuidoras e comercializadoras de servizos de subministracións que lle afecten á xeneralidade ou a unha parte importante da veciñanza, tanto se son titulares das correspondentes redes a través das cales se efectúan as subministracións como se, non sendo titulares das ditas redes, o son de dereitos de uso, acceso ou interconexión a elas.

2. Esta taxa é compatible con calquera outra que poida establecerse pola prestación de servizos ou a realización de actividades de competencia local das que deban ser suxeitos pasivos as empresas enumeradas no punto anterior, e queda excluída, polo pago da taxa regulada no punto un deste artigo, a exacción doutras taxas derivadas da utilización privativa ou o aproveitamento especial constituído no solo, subsolo ou voo das vías públicas municipais, sempre que a dita utilización privativa ou o aproveitamento especial estea dirixido á instalación, ao mantemento e á reparación das súas redes.

ARTIGO 3. BENEFICIOS FISCAIS.

Aplicaranse os beneficios fiscais previstos en normas con rango de lei e nos tratados internacionais.

ARTIGO 4. OBRIGADOS TRIBUTARIOS.

1. Son obrigados tributarios, en concepto de contribuíntes, as persoas físicas ou xurídicas e as entidades a que se refire o artigo 35.4 da Lei xeral tributaria que utilicen ou aproveiten o solo, subsolo ou voo das vías públicas municipais e que realicen a actividade empresarial de explotación, distribución e comercialización de servizos de subministracións que lle afecten á xeneralidade ou a unha parte importante da veciñanza.

2. Serán responsables solidarios da débeda tributaria as persoas ou entidades a que se refire o artigo 42 da Lei xeral tributaria.

3. Serán responsables subsidiarios os administradores das sociedades e os síndicos, interventores e liquidadores de quebras, concursos, sociedades e entidades en xeral, nos supostos e co alcance que sinala o artigo 43 da Lei xeral tributaria.

ARTIGO 5. BASE IMPOÑIBLE.

Tomarase como base para a determinación da cota tributaria o importe dos ingresos brutos procedentes da facturación que obteñan anualmente no termo municipal de Bueu as referidas empresas, calculados segundo o disposto no artigo 24.1 do Real decreto lexislativo 2/2004.

ARTIGO 6. TIPO IMPOSITIVO.

O tipo impositivo que se aplicará á base imponible para calcular a cota será, en todo caso e sen ningunha excepción, o 15 por cento (1,50%).

ARTIGO 7. XERACIÓN DA TAXA.

A taxa xerarase cando se inicie o uso privativo ou o aproveitamento especial das vías públicas municipais por parte dun suxeito pasivo que realice a actividade de prestación de servizos de subministracións que lle afecten á totalidade ou a unha parte importante da veciñanza do concello de Bueu.

Para que poida esixirse esta taxa é preciso que o suxeito realice efectivamente a actividade para a que será imprescindible que obteña ingresos derivados dela no termo municipal de Bueu.

ARTIGO 8. XESTIÓN TRIBUTARIA.

1. Os suxeitos pasivos presentarán, dentro do mes seguinte á finalización de cada ano natural, unha declaración da totalidade dos ingresos brutos obtidos no termo municipal de Bueu durante o ano anterior e procederán ao ingreso da cota resultante. No caso que a devandita declaración sexa con carácter trimestral, os suxeitos pasivos deberán presentala, no mes seguinte á finalización do devandito período.

Nesta declaración, os suxeitos pasivos deberán indicar os datos que se detallan a continuación, ao obxecto de que por esta administración municipal practíquese a liquidación correspondente:

- a) Importe dos ingresos brutos procedentes da facturación aos consumidores finais, obtidos no termo municipal de Bueu, con indicación do número de clientes facturados.
- b) Importe das cantidades percibidas de terceiros por dereitos de acceso ou interconexión a redes propias, con indicación dos suxeitos que satisfíxeron tales cantidades e do importe correspondente a cada un deles.
- c) Importe das cantidades abonadas por dereitos de acceso ou interconexión a redes propiedade de terceiros, con indicación dos suxeitos titulares de tales redes e dos importes.
- d) Importe, no seu caso, dos ingresos non incluídos na facturación, por ter a consideración de cantidades percibidas por conta de terceiros, con indicación destes.



2. Para permitir a comprobación das declaracións presentadas, as empresas que teñan a condición de suxeito pasivo deberán levar unha contabilidade específica dos ingresos obtidos no termo municipal de Bueu.

ARTIGO 9. INFRACCIÓNS E SANCIÓNS TRIBUTARIAS.

Para a cualificación das infraccións tributarias, así como das sancións que a elas corresponden en cada caso, estarase ao disposto nos artigos 178 e seguintes da Lei xeral tributaria

DISPOSICIÓN FINAL.

A presente ordenanza, que consta de nove artigos foi aprobada polo Pleno do Concello de Bueu, e entrará en vigor o día 1 de xaneiro do 2015 e producirá efectos mentres non se acorde a súa modificación ou derogación.

En Bueu a 5 de setembro de 2014.—O Alcalde, Félix Juncal Novas.

2014007693

* * *

C A N G A S

A N U N C I O

Sometida a exposición pública no Boletín Oficial da Provincia de Pontevedra número 65 de data 3 de abril de 2014 o Regulamento dos servizos públicos relacionados co ciclo integral da auga do Concello de Cangas, aprobado inicialmente en sesión ordinaria do Concello Pleno de data 7 de marzo de 2014, sin que se presentaran alegacións, de conformidade co disposto no Artigo 49 da Lei 7/1985, de 2 de abril, reguladora das Bases do Réxime Local, enténdese aprobado definitivamente, entrando en vigor unha vez publicado o presente anuncio no Boletín Oficial da Provincia.

Contra a aprobación definitiva poderá interperse directamente recurso contencioso-administrativo no prazo de dous meses desde a súa entrada en vigor.

En cumprimento do disposto no citado Artigo 49, o regulamento referido queda aprobado definitivamente nos seguintes termos:

REGULAMENTO DOS SERVIZOS PÚBLICOS RELACIONADOS CO CICLO INTEGRAL DA AUGA DO CONCELLO DE CANGAS

CAPÍTULO I

NATURALEZA, OBXECTO, ÁMBITO DE ACTUACIÓN E RÉXIME XURÍDICO

ARTIGO 1.—ENTIDADE SUBMINISTRADORA OU CONCESIONARIA

Para os efectos deste regulamento considérase entidade subministradora ou concesionaria, a persoa física ou xurídica, pública ou privada, que dedica a súa actividade á distribución domiciliaria de auga potable, e á xestión do saneamento conforme ao establecido na vixente lexislación de Réxime local.

ARTIGO 2.—OBXECTO DESTE REGULAMENTO

O presente regulamento ten por obxecto a regulación da prestación das actividades encamiñadas á xestión, explotación e administración sostible de todas as etapas do ciclo integral da auga que comprende tanto os servizos de Abastecemento como os de Saneamento e Depuración.

ARTIGO 3.—ÁMBITO DE ACTUACIÓN

O ámbito de actuación é o termo municipal de Cangas do Morrazo (Pontevedra).